

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 5 лун

12 №-а

СЁРНИГИЖӨД

Волісны: Марков В.П., Цыпанов Е.А., Безносикова Л.М., Коснырева Е.Г., Попова Н.А.

Видлалісны да сөгласуйтісны Коми Республикаса Оланподувлысь 72-76 статьяяс:

72 статья

Каналан Сөветлөн уджаланногыс артмө сессияясысь, кытчö пырöны чукöртчылöмьяс, а сіджö комитетьяслөн, Каналан Сöветса мукöд органлөн чукöртчылöмьясысь.

(2007.05.08 лунся 35-РЗ №-а; 2008.05.04 лунся 44-РЗ №-а КР Оланпасьяслөн редакцияын)

Каналан Сöвет чукöртчö медводдза чукöртчылöм вылö сійöс бöрйöм бöрын дас витöд лунö, Сöветас бöрйöма кö депутатьяслөн колана лыдысь кык коймöд юкöнысь абу этшаджыкöс. Медводдза чукöртчылöмсö востö медыджыд арлыда депутат.

Каналан Сöветлөн чукöртчылöм лоö инöдаөн, сылөн уджö кö пырöдчö колана лыдысь кык коймöд юкöнысь оз этшаджык депутат. Каналан Сöветлөн инöда чукöртчылöмыс нуöдсьö куим төлысьнас öтчыдысь оз этшаджык.

(2007.11.08 лунся 93-РЗ №-а КР Оланпаслөн редакцияын)

Каналан Сöветлөн чукöртчылöмьяс мунöны востсөн, сыысь кындзи, мый урчитöма федеральной оланпасьясөн, Коми Республикаса оланпастэчасөн да Коми Республикаса Каналан Сöветлөн Уджалан артөн.

Каналан Сöвет котыртö комитетьяс, Каналан Сöветса мукöд орган.

(2007.05.08 лунся 35-РЗ №-а; 2008.05.04 лунся 44-РЗ №-а КР Оланпасьяслөн редакцияын)

Ас пöвстысь депутатъяс бöрйöны Каналан Сöветса Вескöдлысьöс, сійöс вежысьясöс, комитетъясса да Каналан Сöветса мукöд органса вескöдлысьясöс либö юрнудысьясöс да найöс вежысьясöс.

(2007.05.08 лунся 35-РЗ №-а; 2008.05.04 лунся 44-РЗ №-а КР Оланпасьяслöн редакцияын)

Депутатъяс вермöны вöчны депутатлысь уджсö Каналан Сöветын пыр уджалігөн профессиональнöй подув вылын либö медшöр уджысь дугöдчывтöг. Профессиональнöй подув вылын пыр уджалысь депутат лыдыс урчитсьö Коми Республикаса оланпасöн.

(сизимöд юкөнсö пыртöма 2007.05.08 лунся 35-РЗ №-а КР Оланпасöн)

Сизимöд юкөнсö киритöма. – 2006.11.20 114-РЗ №-а КР Оланпас.

Коми Республикаса Каналан Сöветлөн, сылөн органъяслөн да чина йöзлөн уджаланногыс урчитсьö Коми Республикаса оланпасьясöн, Коми Республикаса Каналан Сöветлөн Уджалан артöн, а Каналан Сöветса органъяслөн уджаланногыс вермö индыссыны тайö органъяс йылысь панасöн.

(2008.05.04 лунся 44-РЗ №-а; 2010.12.20 148 №-а КР Оланпасьяслöн редакцияын)

73 статья

(2010.12.20 лунся 148-РЗ №-а КР Оланпаслöн редакцияын)

Коми Республикаса Каналан Сöвет:

1) вынсьöдö Коми Республикаса Оланподув, пыртö сэтчö вежсьöмьяс да (либö) содтöдьяс;

2) Коми Республикалөн уджмогьяс серти оланпастэчас ногөн ладмöдö Коми Республикалысь вескöдланторьяс, Россия Федерациялысь да Россия Федерацияса субъектъяслысь öтвыв вескöдланторьяс;

3) сетö Россия Федерацияса гражданинлы Россия Федерацияса Президентлөн вöзйöмөн Коми Республикаса Юралысьлысь уджмогьяс;

4) кывзö Коми Республикаса Веськöдлан котырлön удж йылысь Коми Республикаса Юралысьлысь быдвося отчётъяс, сы лыдын и Коми Республикаса Каналан Сöветлön юалöмъяс серти;

5) Коми Республикаса Оланподулön да Коми Республикаса оланпасьясöн урчитöмön да индöм ногön видзöдö та вылö уджмога мукöд органкöд Коми Республикаса оланпасьяс пыдди пунктöм да найöс олöмö пöртöм бöрся, Коми Республикаса республиканскöй сьöмкуд олöмö пöртöм бöрся, Коми Республикалön мутас каналан сьöмкудйö пырттöм фондьясса сьöмкудъяс олöмö пöртöм бöрся, Коми Республикаса кыин кутан эмбурöн вöдитчан урчитанног пыдди пунктöм бöрся;

6) сöгласуйтö Коми Республикаса Юралысьöн чинö индöм серти вöзйöмъяс Коми Республикаса Юралысьöс вежысьяс кузя, Коми Республикалön сьöм овмöсса министр кузя, Россия Федерацияын да сьлön субъектыясын, войтыркостса организациясын да суйöрсайса канму мутасьясын Коми Республикаöс петкöдлысьяс кузя;

7) збыльмöдö Россия Федерацияса Оланподулön, федеральнöй оланпасьясöн, Коми Республикаса Оланподулön да Коми Республикаса оланпасьясöн урчитöм мукöд уджмог.

74 статья

(2010.12.20 лунся 148-РЗ №-а КР Оланпаслön редакцияын)

Коми Республикалön Каналан Сöветса Веськöдлысьлön да сийöс вежысьяслön уджмогъясыс урчитсьöны Коми Республикаса оланпасьясöн да на серти вынсьöдöм Коми Республикаса мукöд нормативнöй инöда актöн.

75 статья

Оланпас вöзьян инöд сетöма Коми Республикалön Каналан Сöветса депутатъяслы, Каналан Сöветса комитетъяслы, Каналан Сöветса Веськöдлысьлы, Коми Республикаса Юралысьлы, Коми Республикаса Веськöдлан котырлы, Коми Республикаса прокурорлы, Коми Республикаса

Оланподув Ёрдлы, муниципальнӧй юкӧньясса бӧрйӧм органьяслы, "Коми войтыр" регионкостса общественнӧй ӧтмунӧмлы, Россия Федерацияса Федеральнӧй Собраниелӧн Федерация Сӧветӧ пырысьяслы – Коми Республикаса Каналан Сӧветӧс да Коми Республикаса Веськӧдлан котырӧс петкӧдлысьяслы. Каналан Сӧветса Президиумлӧн, пыр уджалысь, недыр кад уджалысь комиссияслӧн эм оланпас вӧзьян инӧд налӧн уджын веськӧдланторьяс кузя.

(2003.12.01 лунся 72-РЗ №-а; 2007.05.08 лунся 35-РЗ №-а; 2008.05.04 лунся 44-РЗ №-а; 2009.04.16 лунся 12-РЗ №-а; 2009.09.30 лунся 81-РЗ №-а КР Оланпасьяслӧн редакцияын)

Мӧд юкӧнсӧ киритӧма. - 2003.12.01 лунся 72-РЗ №-а КР Оланпас.

Коми Республикаса Каналан Сӧветӧ Коми Республикаса Юралысьӧн пыртӧм оланпас балаяс видлавсьӧны сылӧн вӧзйӧм кузя медводзаӧн.

Нельӧд юкӧнсӧ киритӧма. - 2010.12.20 лунся 148-РЗ №-а КР Оланпас.

Вотьяс пыртӧм либӧ киритӧм, найӧс мынтӧмысь мездӧм, Коми Республикаса сьӧм кӧсйысьӧмьяс вежӧм йылысь оланпас балаяс, мукӧд оланпас бала, кӧни рӧскодыс артавсьӧ Коми Республикаса республиканскӧй сьӧмкуд сьӧм тшӧт весьтӧ, Коми Республикаса Каналан Сӧветӧн видлавсьӧны Коми Республикаса Юралысьлӧн вӧзйӧм серти либӧ сылӧн кывкӧртӧд серти. Тайӧ кывкӧртӧдыс Коми Республикаса Каналан Сӧветӧ сетсьӧ Коми Республикаса Юралысьлы оланпас бала воан лунсянь кызь лунӧн.

76 статья

Киритӧма. - 2010.12.20 лунся 148-РЗ №-а КР Оланпас.

Комиссияӧн веськӧдлысь

В.П.Марков

Комиссияӧн веськӧдлысьӧс вежысь

Е.А.Цыпанов

Кывкутысь секретар

Е.Г.Коснырева